

Denzlinz:

“Heiqcuengh Bonjdieg” Hoenghhwdhwd

田林：“乡土壮剧”蓬勃发展

4 nyied 18 hauh, 2014 Denzlinz·Cunguek Heiqcuengh Ginzung Vwnzva Yisuz Hozdung Couh youq Denzlinz Yen gawjbanh. Gungh miz 58 aen nungzminz yezyiz Heiqcuenghduenz daeuj camgya byaujyenj, gij Heiqcuenghduenz neix dwg daj Denzlinz Yen gak yanghcin daeuj. Heiqcuengh dwg heiq conzdungj Bouxcuengh, fathwnj Denzlinz Yen, daengz seizneix

gaenq miz 300 bi nanz lo, ginzung gihcuj laegna, gig ndaej daengz ginzung gyaemaengx haenhndei. 2006 nienz, Heiqcuengh ndaej senj haeuj buek daih' it guekgya feihvuzciz vwnzva yizcanj mingzloeg. Youq dangdieg cwngefuj dazyinx daiqdoengh baihlaj, Heiqcuenghduenz fazcanj gig vaiq, daj 2006 nienz 10 aen fazcanj daengz seizneix 73 aen. (Vangz Yaubangh)



▲ Bouxyienj Heiqcuengh yienj 《Yawj Heiqcuengh》.



▲ Gyoengq bouxheiq guh byaujyenj maq gyaaw.



▲ Heiqcuengh ndei yawj youh miz yinx.

Yangzsoz: Bouxgohgi Soengq Gisuz Daengz Gyaauj Reinhaz

阳朔：科技人员送技术到田间地头



Mboengneix, Yazsoz Yen gyoengq bouxgohgi gaemdawz seizndei ndaemcin neix, dawz gisuz beizyin soengq daengz Ginhbauj Yangh Hungzlenz Cunh lajmbanj ndawrungh bien' gyae haenx, fat gij swliu mizgven dajndaem dajciengx, giva senglwg, diensiengq daengj fuengmienh gohbuj swliu. Youq gyaaujreih gyaaujnaz gejdap gij vwndiz dajndaem ginzung daezok haenx. (Yungz Cozfanj)

Seizciet Goekhawx Hongnaz Nyaengq

谷雨时节农事忙



▲ 4 nyied 19 hauh, gyoengq nungzminz Yinhcwngz Yen Cwnzgvanh Cin Mbanj-banikoz youq ndaw naz ndaem gyaaj.

4 nyied 20 hauh, dwg liggaeuq ngeihcib seiq ciethaiq ndawde seizciet “goekhawx”. Youq seizciet goekhawx, gih raeuz dingzlai dieg haeuj seizgeiz doekcin ndaemcin cei q nyaengq lo. Gak dieg gyoengq nungzminz cungj nyaengq guh hong nazreih.

(Fanz Saugvanh Vuz Yauyungz)

Bwzswz: Ciet Fwen Hozdung Ndeiyawj Dangqmaz

百色：山歌节活动精彩纷呈

4 nyied 13 hauh daengz 15 hauh, Bwzswz Si Yougyangh Gih Daihaet Gai Ciet Fwen youq Yangzhih Cin hoenghhwd gawjhengz. Ngoenzde, miz bak lai boux canghfwen Bouxcuengh, Bouxgun, Yauzcuz doxcomz youq giz ndeu, eu fwen doiq fwen, eu fwen cienzcingz, eu fwen ra youx, sing fwen goksagsag, gwnz hawfwen nauhyied dangqmaz.

Ciet fwen Yangzhih youq Cinghcauz Genzlungz nienzgan couh miz, daengz seizneix gaenq miz song bak lai bi nanz lo. Vihliux swnjcienz caeuq hungzyangz gij minzcuz conzdungj vwnzva neix, daj 2007 nienz hwnj, Bwzswz Si Yougyangh Gih dawz Hawfwen Yangzhih lied haeuj Yougyangh Gih aen hanghmoeg minzcuz conzdungj vwnzva cungdenj baujhoh, ciepcienz caeuq haifat ndeu, comzrengz caux aen Yougyangh Gih minzcuz daegsaek lijyouz vwnzva binjbaiz ndeu. (Bohdungz/波童)



▲ Vareux hai angjwen, eu fwen coux hek daeuj.



▲ 4 nyied 20 hauh, Lozcwngz Mulaujcuw Swciyen Dunghmwnz Cin Mbanjungjanh, boux nungzminz ndeu youq ndaw reih cae luengx ganq gohaeuxyangz.